

弟演先生集卷之二

濟南李攀龍于鱗撰

晉陵楊日賓寅初校

古樂府

艷歌何嘗行

何嘗快獨平生但當被華縠獵長纓起家為二千石四十
以專城兄弟縱橫要路車馬絡繹往來公卿顯者行但當
在高堂置酒快獨呼我所歡五陵年少任俠知名主人稱
壽以樂上賓攬持綺麗雜坐彈箏觸抵安足諍歲月忽如
流願言重自愛吾夙昔與君共綢繆朝亦復苦愁暮亦復
苦愁辟彼東逝之川汎汎不繫之舟浮雲轉薄心悠悠有

似客遊難久留

艷歌行 三首

皎皎月中兔羅網安得錯失壻流宕子翩翩長道路上堂
事舅姑下堂力蠶作日出行采桑春風動紈素不知何年
少踟躕西北顧請君且莫顧黃金徒自誤黃金道路傍誰
當見國卿

其二

童童河上柳朝榮暮來朽人生天地間何可日無酒偃蹇
誰當聞忼慨誰當有賴得心所歡嚼我以大斗醉後唱高
言掩耳使一走語卿且勿走不知舌在口舌在難為捫歎

爾欲行恩

其三

南海一何長明珠一何光大珠抵明月小珠燭中堂洛陽
發中使明珠竊自傷沒海采是珠珠淚以從橫持作木蘭
櫃送至洛陽宮後宮莫不歎問珠從何方誰能復市此隋
侯與孟嘗用玉紹繚之黃金錯其中綴之用翡翠薰用蘇
合香本自南海珠今為後宮璫

滿歌行

得意良獨難大帶如河高弁如山功名侮予心不遑安遙
望故鄉鬱鬱漫漫憂來自中不遜于顏鄙士患得失達士

多所宜智不鬪時我斯蕩蕩天下熙熙俛拾仰取日競刀
錐逝將掉臂棄而違之東蹈滄海寧居九夷嶮巖可為念
為偃息乃存草萊蹲而踰垣塔馬鑿坯流俗落落豈無友
生門一以杜其可復開蜉蝣之裳視此未榮寵辱者驚寓
言憤世混迹躬耕貧賤肆志惰傲相成徘徊千古載濁載
清飲酒而已誰知其他即有三公相去幾何百年如寄孰
少孰多胡朝謀夕自貽蹉跎屹彼在位經營四方天道病
忍人道趨彊退而為樂遼遼未央

企喻歌

四首

力兒自言彊出門思故鄉隴水流離下淚落鐵兩襠

放馬大澤中馬飽勿復驅寧斷壯士肉不斷駿馬芻
鷄子下狡兔不顧黃雀群男兒飽百戰少年笑殺人
男兒重意氣結伴不須錢誰能無兄弟千里不相憐

瑯琊王歌 八首

陽春二三月單衫繡襦襠繫馬臨大道值女行采桑
炎天五六月挈枕逐陰涼絺服不掩體喚女及寒漿
初寒八九月銀燭照高堂端然坐不睡看女織流黃
盛冬十一月調笑酒鑪傍玉壺出纖手索女弄絲簧
主人但置酒烹肥擊其鮮男兒好還鄉不願持一錢
孤兒當門泣門外霜皓皓今年許裁襦兄但視其嫂

駿馬似人長金鞭五尺強往來渭橋上瑯琊大道王
新買五尺刀摩挲不離手但坐看此物軍中誰更有

鉅鹿公主歌

邯鄲女兒年十五能彈琵琶唱樂府
頭上明珠間翠羽客與酒錢笑不數
可憐誤嫁陽翟賈遂使黃金暗如土

紫騮馬歌

四首

出入渭城中少年獨妍雅不知是阿誰但識紫騮馬
紫馬從西來道逢一驪駒兩人下馬揖便入酒家胡
問客復何為昨日發東平袖中出短書心知自劉生

對客讀短書慷慨不能止拔劍出門去報讎燕市裏

黃淡思歌

二首

腸作轆轤轉淚作素綆垂獨坐不能言傍知思憶誰
胡馬代州出還騎出代州黃金裝馬勒青絲絡馬頭

地驅樂歌

蕭蕭條條風雨漂搖餓殺鷓鴣撐殺鴟鴞
倦鳥不飛非無羽翼貧女不嫁非無顏色
枕郎右臂郎側向左看郎顏色似不在我
宛轉郎懷坐郎左膝郎有它人不自今日

崔勞利歌

浪蕩集 卷之二
與郎十期九不果郎有他人休誤我

捉搦歌

四首

仕宦還須論知己結交還須論君子男兒失意誨人指老
女不嫁難為理

東家女兒大狡獪屋裏燒香出牆外供養世尊作佛會願
得百媚無菑害

邯鄲城南夜逆旅樓頭十五誰家女可憐白馬空僵佇不
見其人但聞語

駿馬憑陵粟在口男兒精神錢在手何不結伴日沽酒出

臂蒼鷹使黃狗

折楊柳歌

五首

上馬折楊柳楊柳鬱歲蕤馬上吹長笛愁殺虜家兒
不惜折楊柳孟津楊柳西本是虜家女嫁作漢兒妻
放馬孟津岸飲馬孟津河雖是虜家兒愛聽漢兒歌
莫折楊柳枝婆娑動郎意自有珊瑚鞭出入擐郎臂
上馬出門去馬鞭持與郎郎度孟津水何時還故鄉

幽州馬客吟歌

五首

客從幽州來百萬為擣菰錢自它人有意氣良所無
今日但一擲何言無所持庭前兩走馬千里任君騎

自憐十指銀王壺不離手女兒行無賴故勸郎君酒
南山固言高上有北流泉女兒固言好須得郎自憐
郎齎千金裝結客行三秦那能論家計少年喜作人

慕容家自魯企由谷歌

鳥中有鷓鴣子中有慕容慕容家此谷少年多相從

高陽樂人歌

二首

欲知馬上兒但復看兒馬結束殊輕薄不在漢兒下
郎來但坐飲百壺分自當見郎行仁義無錢何所妨

團扇郎

白團扇明月入君懷清光滿流眇霜雪散炎天是儂歌始

變合歡自一時秋風歡不見

前溪歌

七首

逍遙東武亭下有獨桑路歡但宿儂家前溪不可度
朝思出前溪暮思出前溪溪流亂漫下誰見倚門啼
女羅著長松蔓與長松長雖非歲寒姿願得被風霜

黃葛生溪邊溪水東西流枝枝自纏繞葉葉自綢繆

春容故易老紅粉豈常鮮郎歸定何日憔悴復誰憐憐亦
異當年

誰能采黃葛逍遙獨桑頭黃葛斷還生春風不可留爛熳
使儂愁

葵藿自有心
蘭蕙自有香
黃瓜一小草
春風獨不忘
枝葉頓芬芳

子夜歌
十首

涉江種芙蓉
青荷幾時有
但使蓮心生
何慮不成偶
桑葉老欲盡
春蠶已就眠
那能不作繭
絲子自纏綿
彊言共寢食
十日九不俱
桐花夜夜落
梧子暗中疎
出亦陰憶汝
入亦陰憶汝
石闕四面生
悲來定何許
蕩舟芙蓉池
紅顏在池水
儂與芙蓉花
有何不相似
宿昔結同心
絲髮與眉齊
轉動如春風
不離郎君懷
相憐須及時
紅顏不難老
郎自行由豫
他人已相保

欲識儂時白頭誓相憐一日三唐突持底解千年
心楊柳花春風為顛倒到頭有感化不離浮萍草
因斗酒會發歡桃花容蹉跎自不飲雙杯持勸儂

四時子夜歌

八首

春鳥既集渚春花復著林高臺不可望春色蕩儂心
絢窓媚初月羅帳蹇春風歡復自顧慮崎嶇當奈儂
二伏天雨火郎但籠窓坐何處汲寒漿金鉸井中墮
婉伸華簾上不下葳蕤鑰郎君已自前羅衣那及著
庭含明月光蟋蟀入牀語獨自理寒衣秋風動砧杵
熒熒斜月輝纍纍清露垂中宵不還卧徘徊獨為誰

郎從何處來重袍那如水酒無沙糖味為他沃寒爾
北風振枯林嚴霜殺百草歡不與時競獨向相思老

懊儂歌

四首

五絲合歡被還得五絲縫儂為懊惱曲還持懊惱儂
布帆百餘幅婀娜自生風江水滿如月那得不愁儂
夙昔幽閨性冶遊持自惑旦夕三千里不復作顏色
長江得春風使帆如使馬朝發牛渚磯暮宿白門下

神絃歌

宿阿曲

大門誅蕩蕩地戶鬱沈沈真官下雲中窈窕從蘇林

道君曲

中庭有樹其實詡詡道君出入先以風雨

聖郎曲

梧桐何翼翼鳳凰何將將左坐青溪姑右坐白石郎姑自翳瑶草郎自命椒漿

嬌女詩 二首

朝遊青溪南暮遊青溪北嬌女年十五芙蓉比顏色終日奏絃歌小姑獨相識

徘徊白石江蹠蹠赤山磯湘綺為下裳紫綺為上衣自繡雙鴛鴦十五五飛

白石郎曲

二首

郎之徠何紛員車以清風馬以雲前有明姑後道君
石子如彈丸纍纍江之渚有郎獨自居艷於十五女

清溪小姑曲

清溪湯湯白石為梁小姑不嫁誰謂無郎

湖就姑曲

遊赤山湖遙望中芙蓉裁衣贈大姑

姑舞白鳩仲姑淶水歌不共小姑愁

姑恩曲

二首

姑遵雲中歲羝六萌車前駕斑璘獸後從朱鳥麟辟邪